

**BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
GRAD BIHAĆ
GRADONAČELNIK**

Broj: _____

Bihać, 07.12.2017.godine

Na osnovu 52. Statuta Grada Bihaća („Službeni glasnik Grada Bihaća“ broj: 13/2015), i člana 183. Poslovnika Gradskog vijeća Bihać („Službeni glasnik Grada Bihaća“, broj: 3/2016), Gradonačelnik u svojstvu predlagača propisa i drugih akata

ODREĐUJE

Izvjestioca mr.sc. Nijaza Lipovaču, Načelnika službe u Službi za upravljanje lokalnim razvojem, na sjednici Gradskog vijeća i radnim tijelima po prijedlogu tačke dnevnog reda:

„Plan implementacije Strategije razvoja općine Bihać 2014. -2023. za period 2018. – 2020. godine i jednogodišnji Plan implementacije za 2018.godinu.“

Gradonačelnik
Šuhret Fazlić

**BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
GRAD BIHAĆ
GRADONAČELNIK**

Broj: _____

Bihać, 07.12.2017.godine

Na osnovu člana 52. Statuta Grada Bihać („Službeni glasnik Grada Bihaća“ broj: 13/15) i člana 140. Poslovnika Gradskog vijeća (“Sl. glasnik Grada Bihaća”, br. 3/16), Gradonačelnik Gradskom vijeću dostavlja na razmatranje radi donošenja:

Prijedlog Odluke o usvajanju Plana implementacije Strategije razvoja općine Bihać 2014. - 2023. za period 2018. – 2020. godine i jednogodišnji Plan implementacije za 2018.godinu.

O b r a z l o ž e n j e :

1. Pravni osnov

Pravni osnov za donošenje predložene Odluke o usvajanju Plana implementacije Strategije razvoja općine Bihać 2014. -2023. za period 2018. – 2020. godine i jednogodišnji Plan implementacije za 2018.godinu., sadržan je u članu 35. tačka h) Statuta Grada Bihaća („Službeni glasnik Grada Bihaća“ broj: 13/15) i u razvojnom dokumentu Strategije razvoja općine Bihać 2014-2023, u poglavlju 13. Operativni plan - Plan razvoja organizacijskih kapaciteta i ljudskih potencijala (implementacija, praćenje, kontrola i evaluacija Strateškog plana općine Bihać 2014-2023) u kojem je definisano sljedeće:

- Gradsko vijeće ima ključnu ulogu u razmatranju planova i izvještaja o realizaciji strateških dokumenata Grada Bihaća, uključujući i Strategiju razvoja kao vodećeg strateškog dokumenta, koji treba predstavljati osnovu za kreiranje i donošenje svih ostalih razvojnih politika i prioriteta Grada Bihaća.
- Gradonačelnik ima ključnu ulogu u operacionalizaciji i implementaciji Strategije razvoja putem uspostavljanja jasnih mehanizama i definiranja odgovornosti odjeljenja u pogledu implementacije dijelova strategije iz njihove nadležnosti, te obezbjeđivanja sveukupne koordinacije.

Odgovornost za praćenje i vrednovanje Strategije

Na osnovu ažuriranih podataka, praćenje realizacije Strategije obavljat će tijelo/jedinica za upravljanje razvojem (Odsjek za strateško planiranje i upravljanje projektima), godišnje vrednovanje će provoditi Odsjek za strateško planiranje i upravljanje projektima i izvještavati Gradonačelnika, Gradsko vijeće i partnersku grupu.

Aktivnosti praćenja, vrednovanja i ažuriranja pojedinih dijelova Strategije bit će provedene u određenim vremenskim periodima, u skladu sa miPRO metodologijom.

2. Razlozi za donošenje

Stvarni rezultati razvoja, koji proizilaze iz implementacije integrirane strategije lokalnog razvoja, mogu biti vidljivi i mjerljivi jedino ukoliko Grad Bihać, kao najodgovorniji za implementaciju Strategije, bude sistematski provodio praćenje i vrednovanje realizacije Strategije.

Stoga, sistematsko praćenje i vrednovanje (monitoring i evaluacija) realizacije Strategije omogućava mjerenje stepena ostvarenja postavljenih ciljeva, dajući također mogućnost za poduzimanje pravovremenih mjera u cilju eventualnih korekcija, te ocjenjivanje sveukupne uspješnosti realizacije Strategije.

Praćenje podrazumijeva sistem prikupljanja i obrade podataka u svrhu upoređivanja postignutih rezultata sa planiranim. Vrednovanje je zasnovano na nalazima praćenja i daje sveukupnu ocjenu ostvarenja postavljenih ciljeva. Da bismo upravljali implementacijom Strategije, kao i implementacijom projekata, moramo biti u mogućnosti da mjerimo stepen ostvarenja definiranih ciljeva i rezultata u određenom vremenskom periodu, za šta nam služe objektivno provjerljivi indikatori.

Godišnje planiranje podrazumijeva definisanje redovnih aktivnosti proizašlih iz zakonski definisanih odgovornosti JLS, i aktivnosti na godišnjem nivou koje će jedinica lokalne samouprave, uključujući načelnika/gradonačelnika i unutrašnje organizacione jedinice odnosno službe/odsjeci, preduzeti kako bi se implementirali strateški i drugi programski dokumenti te implementirali zajednički poslovi horizontalne i vertikalne koordinacije, a rezultira izrađenim Godišnjim planom rada JLS.

3. Prijedlog

U skladu sa navedenim predlažem Gradskom vijeću da nakon razmatranja usvoji Odluku o usvajanju Plana implementacije Strategije razvoja općine Bihać 2014. -2023. za period 2018. – 2020. godine i jednogodišnji Plan implementacije za 2018.godinu. u predloženom tekstu.

Prilog:

1. Prijedlog Odluke o usvajanju Plana implementacije Strategije razvoja općine Bihać 2014. -2023. za period 2018. – 2020. godine i jednogodišnji Plan implementacije za 2018.godinu.
2. Plan implementacije Strategije razvoja općine Bihać 2014. -2023. za period 2018. – 2020. godine i jednogodišnji Plan implementacije za 2018.godinu.

Gradonačelnik
Šuhret Fazlić

**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK
Služba za upravljanje lokalnim razvojem**

**Plan implementacije Strategije razvoja općine Bihaća 2014. – 2023. za
period 2018. – 2020. godine i jednogodišnji Plan implementacije za
2018. godinu**

Bihać, decembar 2017. god.

Uvod

Općinsko vijeće Bihać 2014.godine, usvojilo je lokalnu Strategiju razvoja općine Bihać za period 2014.-2023.godina. Početak kreiranja savremene Strategije razvoja po evropskim standardima započela je apliciranjem kod Razvojnog programa Ujedinjenih naroda (UNDP) za „Projekat integriranog lokalnog razvoja (ILDLP)“, koji predstavlja zajedničku inicijativu Švicarske agencije za razvoj (SDC) i UNDP-a, za izradu lokalne razvojne strategije usmjerenu ka harmonizaciji sistema strateškog planiranja u BiH. Tadašnja Općina Bihać je izabrana za sudjelovanje u ovom projektu, a „Memorandum o razumijevanju na realizaciji Projekta integriranog lokalnog razvoja“, Gradonačelnik i ovlašteni predstavnik UNDP-a potpisali su 19.09.2012.godine.

Strateški ciljevi Grada Bihaća

Kao strateški ciljevi definirani su:

- Uspostavljen sistem podrške za razvoj prerađivačke industrije, malog i srednjeg poduzetništva, poljoprivrede i turizma u funkciji povećanja zaposlenosti
- Jačanje lokalnih kapaciteta sa ciljem unapređenja konkurentnosti lokalne ekonomije, kvalitetne valorizacije postojećih ekonomskih potencijala, privlačenja investitora i korištenja raspoloživih resursa u cilju intenziviranja lokalnog razvoja
- Razvijena društvena infrastruktura u oblasti obrazovanja, kulture i sporta uz socijalnu osjetljivost i partnerstvo sa civilnim društvom, te jačanje opće društvene odgovornosti svih aktera uključenih u razvoj ovih djelatnosti
- Osigurati održivi razvoj smanjenjem negativnih utjecaja na okoliš, planskim upravljanjem prostorom i prirodnim resursima i racionalnim razvojem komunalnih usluga

Trogorišnji (1+2) Plan implementacije razvojne strategije 2018-2020

Plan implementacije razvojne strategije JLS (jedinica lokalne samouprave), sa indikativnim finansijskim okvirom 1+2, je Dokument koji precizira programe i projekte iz strategije JLS sa definisanim aktivnostima, indikatorima, nosiocima, očekivanim rezultatima, rokovima izvršenja i izvorima sredstava i koji je instrument za planiranje, ali i praćenje i evaluaciju izvršenih planiranih programa, projekata i aktivnosti. Kreira se po principu 1+2.

Godišnje planiranje

Godišnje planiranje—definisane redovnih aktivnosti proizašlih iz zakonski definisanih odgovornosti JLS i aktivnosti na godišnjem nivou koje će jedinica lokalne samouprave, uključujući Gradonačelnika i unutrašnje organizacione jedinice odnosno službe/odsjeci, preduzeti kako bi se implementirali strateški i drugi programski dokumenti te implementirali zajednički poslovi horizontalne i vertikalne koordinacije, a rezultira izrađenim Godišnjim planom rada JLS.

Aktivnosti i obaveze Tima za implementaciju Strategije razvoja za period 2018 - 2020.

Tim za implementaciju Strategije razvoja grada Bihać (koordinator, nosioci službe za razvoj, financije, zaštitu okoliša i društveni razvoj) koji će u saradnji sa UNDP-em i Razvojnog agencijom USK-a, obavljati sljedeće aktivnosti u periodu 2018. – 2020.godine:

1. Praćenje i implementaciju Strategije razvoja i godišnjih planova implementacije.
2. Priprema / ažuriranje trogodišnjih planova (1+2 g.) implementacije i jednogodišnji plan 2018.
3. Priprema planova odjeljenja za narednu godinu, uključujući projekte iz Strategije razvoja i redovne poslove
4. Uključivanje strateških projekata i mjera u plan budžeta za sljedeću godinu
5. Izrada godišnjeg izvještaja o realizaciji Strategije
6. Razrada projekata
7. Praćenje eksternih izvora finansiranja
8. Izvještavanje o toku realizacije projekata (tehn. i finansijski)
9. Vođenje APIS baze podataka vezane za implementaciju projekata

Obaveze Tima za implementaciju Strategije su sljedeće :

- Izvršiti pregled ekonomskih prioriteta, potencijala i aktera poslovnog sektora
- Uspostaviti mehanizam za saradnju JLS (jedinice za lokalnu samoupravu) i poslovnog sektora i koristiti ga za razmatranje mogućnosti ekonomskog razvoja i barijera povoljnom poslovnom okruženju;
- Za postojeće barijere povoljnom poslovnom okruženju u JLS pripremiti akcioni plan korektivnih mjera u domenu JLS

Načelnik
Službe za upravljanje lokalnim razvojem
mr.sci. Nijaz Lipovača

Na osnovu člana 35. tačka c). Statuta Grada Bihaća („Službeni glasnik Grada Bihaća“, broj 13/15), Gradsko vijeće Bihać, na ___ sjednici održanoj dana _____.2017.godine, donijelo je:

O D L U K U

o usvajanju Plana implementacije Strategije razvoja općine Bihać 2014. -2023. za period 2018. – 2020. godine i jednogodišnji Plan implementacije za 2018.godinu

Član 1.

Usvaja se Plana implementacije Strategije razvoja općine Bihać 2014. -2023. za period 2018. – 2020. godine i jednogodišnji Plan implementacije za 2018.godinu.

Član 2.

Plan implementacije Strategije razvoja općine Bihać 2014. -2023. za period 2018. – 2020. godine i jednogodišnji Plan implementacije za 2018.godinu., neophodan je za dalju uspješnu realizaciju projekata i planiranih aktivnosti Tima za implementaciju Strategije razvoja, Jedinice za upravljanje lokalnim razvojem i svih resornih službi u gradskoj upravi kao nosioca implementacije programa i projekata iz svoje nadležnosti.

Član 3.

Planovi iz člana 2. ove Odluke, stavit će se na javni uvid javnosti putem web stranice Grada Bihaća.

Član 4.

Odluka stupa na snagu osmog dana od dana objavljivanja u Službenom glasniku Grada Bihaća.

Gradsko vijeće

Broj:

Bihać, _____2017. godine

Predsjedavajući Gradskog vijeća

Davor Župa